



ԵՐԵՎԱՆԻ ՔԱՂԱՔԱՊԵՏԱՐԱՆ

ՀՀ, 0015, ք. Երևան, Արգիշտիի 1

N°07/55962-23

«03» ապրիլի 2023թ.

ՄԱՐԳԱՐԻՏ ՂԱԶԱՐՅԱՆԻՆ

/ք. Երևան :Լեռնի 37/

Հարգելի՛ տիկին Ղազարյան,

Ի պատասխան Ձեր 30.03.2023 թվականի հ. Դ-38007-23 դիմումի՝ հայտնում եմ, որ «Առևտրի և ծառայությունների մասին» օրենքի 2-րդ հոդվածի համաձայն՝ առևտրի իրականացման վայրը՝ առևտրի իրականացման վայրի կազմակերպչի կողմից որպես մեկ ամբողջություն տիրապետվող և կառավարվող՝ առանձնացված, կառուցապատված և կահավորված, երկու և ավելի վաճառատեղ ունեցող տարածք է, որտեղ կարող են նախատեսվել նաև հանրային սննդի և այլ ծառայությունների համար տարածքներ:

Նույն օրենքի 3-րդ հոդվածի համաձայն՝ առևտրի օբյեկտների տեսակներն են՝ խանութները, կրպակները, հեղուկ վառելիքի, սեղմված բնական կամ հեղուկացված նավթային կամ ածխաջրածնային գազերի մանրածախ առևտրի կետերը:

Առևտրի իրականացման վայրի տեսակներն են՝ առևտրի կենտրոնները, սպառողական ապրանքների շուկաները, գյուղատնտեսական արտադրանքի շուկաները, ավտոտրանսպորտային միջոցների շուկաները, կենդանիների շուկաները, տոնավաճառները (վերնիսաժները) և ցուցահանդես-վաճառքի անցկացման վայրերը:

Վարչական իրավախախտումների վերաբերյալ օրենսգրքի 162-րդ հոդվածի 1-ին մասին համաձայն՝ ոչ սահմանված տեղերում առևտուր իրականացնելը կամ ծառայություն մատուցելը՝ առաջացնում է տուգանքի նշանակում՝ սահմանված նվազագույն աշխատավարձի յոթանասունապատիկից մինչև հարյուրապատիկի չափով:

Վերոգրյալ իրավանորմերի համակարգային վերլուծությունից բխում է, որ համապատասխան առևտրային գործունեությունը պետք է կազմակերպվի առևտրի օբյեկտի տարածքում, իսկ այն դեպքում, երբ համապատասխան առևտրային գործունեությունը (ներառյալ հրապարակային օֆերտան) դրսևորվում է սահմանված տարածքից դուրս, ապա նման առևտրային գործունեություն իրականացնող անձի նկատմամբ կիրառվում է վարչական իրավախախտումների վերաբերյալ օրենսգրքի 162-րդ հոդվածի 1-ին մասով նախատեսված պատասխանատվության միջոցը:

Տվյալ դեպքում, Ձեր նկատմամբ կայացվել է վարչական տույժ 70.000 ՀՀ դրամ գումարի չափով, որը հանդիսանում է տվյալ զանցանքի համար պատասխանատվության տատանվող սահմանաչափի նվազագույն գումարային արժեքը:

Վերոգրյալով պայմանավորված հարկ է արձանագրել, որ առկա է իրավական հիմք Ձեր նկատմամբ 21.02.2023 թվականին կայացված «Վարչական տույժ նշանակելու մասին» թիվ Վ-7/76 վարչական ակտը բեկանելու համար:

Հայտնում եմ նաև, որ Վարչական իրավախախտումների վերաբերյալ օրենսգրքով երևանի քաղաքապետարանին վերապահված է վարչական տուգանքի գումարը տարաժամկետելու լիազորություն, հետևաբար դիմումով բարձրացված հարցը ենթակա է բավարարման՝ դրա իրավական հիմքերի բացակայության պատճառով:

4/3/2023

X 

ԱՐԱՄ ՄԱՐՏԻՐՈՍՅԱՆ

Signed by: MARTIROSYAN ARAM 1310890994

**ՀԱՐԳԱՆՔՈՎ՝
ԻՐԱՎԱԲԱՆԱԿԱՆ ՎԱՐՉՈՒԹՅԱՆ
ՊԵՏԻ ՏԵՂԱԿԱԼ**

ԱՐԱՄ ՄԱՐՏԻՐՈՍՅԱՆ

Կատարող՝ Ա. Գաբրիելյան
Աշխատակազմի իրավաբանական վարչություն
Հեռ.011 514-005 (684)